

## Viðauki III: Hliðrun á línukosti C2 í Eyjafirði

Sumarið 2020 vann Fornleifastofnun úttekt á áhrifasvæði Blöndulínu 3 í Eyjafirði, Skagafirði og Húnavatnssýslu. Gerð var skýrsla þar sem niðurstöður úttektarinnar voru kynntar og kom hún út árið 2021. Frá því að skýrslan kom út hafa komið fram breytingartillögur á legu línunnar í Eyjafirði. Á vormánuðum 2022 fór Landsnet þess á leit við Fornleifastofnun Íslands að hluti línukosti C2: Öxnadalur yrði tekinn út aftur með tilliti til breyttrar legu og umfjöllun um línukostinn innan þess svæðis uppfærð. Tvívegis var farið á vettvang sumarið og haustið 2022 og ný svæði skoðuð með tilliti til fornleifa. Áhrifasvæðið sem tekið var út að þessu sinni var samtals um 14 km langt og 150 m breitt, þar sem tekið var út 50 m breitt svæði fyrir ofan miðlínu og 100 m breitt svæði fyrir neðan hana. Úttektarsvæðið náði frá Garðshorni í Hörgársveit og yfir í land Hrappsstaða/Rafnsstaða ofan Akureyrar. Öll umfjöllun í viðaukanum miðast við þetta svæði.

Samtals voru skráðar 15 fornleifar á jafnmörgum minjastöðum innan þess og dreifast þær nokkuð jafnt um svæðið. Auk þess að taka út þetta nýja úttektarsvæði var farið að bænum Hólum í Hörgársveit og eldra umhverfismat sem gert hafði verið innan jarðarinnar endurskoðað.

Hér á eftir verða niðurstöður viðbótarskráningarinnar teknar saman og eru þær settar fram sem viðauki við eldri skýrslu frá 2021. Ítarlegri upplýsingar um fyrri skráningu er að finna í köflum skýrslunnar hér að framan sem var ekki breytt, að frátöldum inngangi sem tók smávægilegum breytingum við endurskoðunina 2022.

### Fornleifaskrá:

#### EY-257 Krossastaðir

20 hdr. 1712. Bændaeign.

28.10.1645 selur Jón Þorvaldsson Benedikt Pálssyni Laugaland með tveimur heimalöndum þeirrar jarðar Krossastöðum og Grjótgarði, fyrir 60 hdr - Jarðabréf, 222.

22.6.[1703] “Jörðin Laugaland í Hörgárdal og Möðruvallakirkjusókn með sínum heimajörðum, Krossastöðum, Grjótgarði og Heiðarhúsum, talin lxc að dýrleika, er eign minna barna og þeirra móðurarfur, sem hún hafði erft eftir sinn sáluga föður, Benedikt Pálsson. ... 2. Af Krossastöðum er landskuld 1c, en kúgildi tvö. Skileyrir ei ákveðinn, heldur með sama móti í ýmsu galdið eftir því sem til verður. ... Jón Thorðarson.” JÁM XIII, 368.

1712: “Þessi jörð er sagt að sje heimaland Laugalands, og er það til líkinda, að landinu er óskift fyrir utan tún og útslægjur, og er þessi bær haldinn fyrir lögbýlisjörð í hreppnum og meinast fornbyli, so sem sýnilegt er af fornum görðum.” JÁM X, 172. 1841: landskuld 120 álnir í peningum, SSE, 128-29. Jörðin fór í eyði 1990.

1917: 5,9 + 1,5 teigar. 4/5 slétt. Garður 200 ferstikur. 1841: tún 12 dagsláttur, gefur af 3 kýrföður, 8 ásauðarkúgildi í málnty, tún þýft að hálfu, engi þýft og þurrt, nautgæft úthey ekkert - SSE, 128-29.

**EY-257:016** tóft smalakofi


A 532650 N 579167

Um 60 m sunnan (og örlítið ofar) en hæsti punktur Skálakletts stendur vandlega hlaðinn smalakofi. Hann er rétt norðan við Krossastaðaá, um 8 m austan við brún Krossastaðargils og 2,7 km SSA við Krossastaði 001.

Byrgið er á klettabrún, á berggrunni með þunna gróðurhulu af grasi, störum, ljónslappa og lyngi.



*Smalakofi EY-257:016, horft til norðvesturs.*



*Uppmæling af smalakofa EY-257:016.*

Smalabyrgið er vel hlaðið úr finum grjóthellum en veggir þess eru teknir að síga nokkuð út til hliðanna. Byrgið er um 3,2 x 3,2 m á stærð og snýr NV-SA. Veggir eru 0,7-1 m á breidd, um 0,5 m á hæð og má sjá 6-7 umför þar sem það stendur hæst í norðvesturenda. Gengið var inn að suðaustan um 0,3-0,5 m breiðan inngang.

**Hættumat:** engin hætta


**EY-257:019** tóft heystæði

A 533095 N 579474

Einföld tóft er um 2,6 km SSA við Krossastaði 001, um 450 m beint suður af seli 008 og um 530 m ANA við smalabyrgi 016. Sé horft til lögunar og staðsetningar á tóftinni er líklega um heystæði að ræða.



*Tóft EY-257:019, horft til norðurs.*



*Uppmæling af tóft EY-257:019.*

Tóftin er á lágrí hæð í nokkuð flatlendu og oft deigu mólendi, um 35 m norðaustan við lítið grasigróið lækjardrag sem hlykkjast niður í átt að láglendi til NNV.

Tóftin er um 10 x 7 m stór og snýr NA-SV. Hugsanlegt er að gengið hafi verið inn að suðvestan. Veggir eru útflattir og líklega úr torfi, 0,2-0,5 m á hæð og 2-3 m á breidd. Innanmál er um 6x3 m. Tóftin er vel gróin grasi og lyngi.

**Hættumat:** stórhætta, vegna framkvæmda

Staður. Bægisá hin syðri var landnámsjörð (ÍF I, 259) en Bægisá ytri kemur fyrst við sögur á 11. öld: “Kona heitir Guðrún ok er frændkona bóndans at Bægisá ok er þar matselja fyrir búi. Hennar vilda ek [Þorsteinn verkstjóri] at þú [Guðmundr ríki] bæðir mér til handa. [Guðmundur tekur bónda á Bægisá tali og var þetta að samkomulagi] Síðan var kveðit á um brúðlaupsstefnu, ok skal vera at Bægisá ... En er menn váru at boðinu, þá hvíldu hvorir sér, konur ok karlar. Ok um morgininn, er menn risu upp ok fóru til kirkju, er at messum kom ...” Ljósvetninga saga, ÍF X, 16-19. 1199: Fálki Dálksson drepinn á Bakka í Öxnadal jarðaður á Bægisá (hafði verið heimamaður Þorgríms alíkarls á Möðruvöllum). Guðmundarsaga dýra; Sturl, 168 (sbr. 156).

1307: “Sá atburðr hafði gjörz um vart fyrirfaranda at Solveig Loftsdóttir, kona Þorvalds Geirssonar er þá bjó í Lönguhlíð í Hörgárdal, fór til tíða til Bægisár á skirdagskveld ... [hún drukknaði í Hörgá, og var líkið flutt til Munkaþverár] átti hon þó leg at Bægisá. Bjó þar þá sá prestur sem Hildibrandr hét Grímsson. ... til Bægisár lagði [Þorvaldur] ekki meira en tólf alnir í legkaup.» Lárentius saga, ÍF XVII, 277-79, 282.

Elsti máldagi Bægisáarkirkju er frá 1399 “er Bergþor prestur Jonsson tok með. Enn sijra asgrimur gudbiartzson liet laust.” Kirkjan átti þá m.a. “vij. kyr. xix ær og. xx. saudir veturgamler. flogur hundrud voruvird. ... Suo morg kugilldi hafa gefuist til sijdann er Bergdor prestur tok með. en syra asgrijmur liet laust. ad það eru. xj. kugilldi. hundrad j slatrum og mælehlass taudu. ... Jtem reyknadist j portionem Ecclesiae. ad auk þess sem syra Bergþor hafði adgiort stadnum. x. aurar voru.” - DI III 518-19.

1429: var “[1] prestur ok diakn.” við Bægisáarkirkju - DI IV, 381.

1461 á kirkjan “allt heimaland.” og “Þetta j fridum penningum. xij. kyr. iij. asaudar kugillde. v. hundrut j gelldfie. ij. hundrut j koplum. eitt bord aa hapallen. Þar er prestzskyld. tekur heima iij merkur. en vttan gardz half seunda mork. heyttollr oc liostollr af ix. bæivm. Tiund kirkiuhluti a þui are. x. aurar. Reiknadiz j porcio um. x. ar er sira jon hieilt stadin. v. c. til reikningsskapar. en. v. aurar hia sira magnuse assgrimssyne vm eitt ar. enn. v. aurar fiell nidr j subsidium palli firir erkibiskupen. ... afret j auxnadal. fra folaldareit oc at griotgordvm. tueggia hrossa beit j tunguland a vetturen. Tok sira olafur þorgeirsson með bægisáa þa sira magnus asgrimsson slepti. x. kyr. ij. asuadar kugillde. iij. gelldfiar hundrut. oc viij. hundrut j ofridvm peningvm. jtem ein ku j mortalia medan sira jon snorrason hieilt. oc. ij. kyr medan sira magnus asgrimsson bio.

1478: Tiund a því are. ix. aurar. Reiknadist j porcionem ecclesie vpp aa xij. aar. medan sira olafur þorgeirsson bio. vij. hundrut. afreiknad j subsidium pallij. xi. alner vadmals.

1489: Reiknaditz j porcio um .xi. ar. v. hundrud medan sira olafur bio. auk fyrra reikningtz.


1494: Reiknadizst i porcio vppa v. ar halft þridia hundrat. luckti sira olafur þorgeirsson kirkiune a bægisá iordina fagranes er liggur i backapungum til æfinligrar eignar firir. xxc.” - DI V, 294-95.

1712 er Fagranes í Öxnadal kirkjufjörð “Afrjettar eður beititeig á staðurinn norðaan til á Öxnadalsheiði niður frá Grjóthryggjum, sem kallast almennilega folaldareitur, og brúkar staðurinn þar nokkuð litla hestabeit í því nafni á sumardag. Grasekja er nokkuð lítil í sama landsplássi, sem ýmsir brúka í leyfisleysi. Skógarpart á staðurinn fyrir vestan Öxnadalsá í Staðartúngu landi (ekki undirrjettast hjer um takmörk þessa skógarparts). Sá skógur er mjög eyddur og óbrúkanlegur til kolagjörðar, en nýtanlegur til eldiviðar.” JÁM X, 164. Ytri Bægisá ll skipt úr landinu árið 1938.

1917: 7,5 teigar. 4/5 slétt.

EY-264:022 tóft heystæði

A 528389 N 574848



Uppmæling af tóft EY-264:022



Tóft EY-264:022, horft til vesturs.

Tóft er um 790 m austan við bæ 001 og 260 m ASA við mógrafir 021. Tóftin er um 65 m vestan við miðlínu úttekarsvæðis Blöndulínu 2022. Sé tekið mið af staðsetningu og lögun er þetta líklega heystæði.

Tóftin er á litlum grasbletti sem afmarkast af hálfgrónum hryggjum, eða ásum, til allra átta nema til ASA. Deiglent er á þessu svæði.

Tóftin er einföld, 6,5 x 5 m að stærð og snýr norður-suður. Hún er torfhlaðin og eru veggir mjög signir, aðeins 0,3-0,4 m á hæð og 0,5-1 m á breidd. Op er á tóftinni á miðri suðurhlíð hennar en það gæti þó einnig aðeins verið rof.

**Hættumat:** hætta, vegna framkvæmda

## EY-265 Garðshorn

20 hdr. 1712. Hólastólsjörð.

25.12.1550 er Garðshorn meðal Hólastólsjarða með 1 kúgildi - DI XI, 867.

4.5.1551 er gefinn vitnisburður um að Einar Haflíðason hafi selt Jóni Arasyni undir Hóladómkirkju “iordina Gardshorn i Horgardal i Bæissaar kirkjusokn. fyrir xc. iord sem Einare likade. Enn fyrir halfa þessa iord Gardzhorn lofade biskup Jon lata kenna syne hans Stulla Einarssyne til prestz. Enn medan iord þesse være ecki greidd. lofade biskupenn Einare. x. aurum a hvoriu are. hafa þetta verid vel. xx. ar sidan þessi giorningur fram for. og hefer Einar optlega hier um talad þessa iord hia biskup Jone ætte hann og ekki fenget.” - DI XII, 260.

10.3.1553 staðfestir Kristján III veitingu Garðshorns með 1 hdr landskuld og 5 leigukúgildum til uppihalds skólameistara á Hólum - DI XII, 527.

1569: “Med Gardzhorni landsk. .i. .c. med tijundum kug. .v.” meðal skólajarða í Hólastólsreikningi - DI XV, 227.

9.12.1569 gerði Björn Gíslason Sigurði Jónssyni reikningskap “at med skolameistara rentu iordum og einne lokatz iordu sem Gardzhorn heiter væri eigi meir en xl oc v kugilldi” DI XV, 335.

1570 eru 5 kúgildi með Garðshorni, Hólastólsjörð, DI XV, 459. 20 hdr. 1712. Hólastólsjörð.

25.12.1550 er Garðshorn meðal Hólastólsjarða með 1 kúgildi - DI XI, 867.

4.5.1551 er gefinn vitnisburður um að Einar Haflíðason hafi selt Jóni Arasyni undir Hóladómkirkju “iordina Gardshorn i Horgardal i Bæissaar kirkjusokn. fyrir xc. iord sem Einare likade. Enn fyrir halfa þessa iord Gardzhorn lofade biskup Jon lata kenna syne hans Stulla Einarssyne til prestz. Enn medan iord þesse være ecki greidd. lofade biskupenn Einare. x. aurum a hvoriu are. hafa þetta verid vel. xx. ar sidan þessi giorningur fram for. og hefer Einar optlega hier um talad þessa iord hia biskup Jone ætte hann og ekki fenget.” - DI XII, 260.

10.3.1553 staðfestir Kristján III veitingu Garðshorns með 1 hdr landskuld og 5 leigukúgildum til uppihalds skólameistara á Hólum - DI XII, 527.

1569: “Med Gardzhorni landsk. .i. .c. med tijundum kug. .v.” meðal skólajarða í Hólastólsreikningi - DI XV, 227.

9.12.1569 gerði Björn Gíslason Sigurði Jónssyni reikningskap “at med skolameistara rentu iordum og einne lokatz iordu sem Gardzhorn heiter væri eigi meir en xl oc v kugilldi” DI XV, 335.

1570 eru 5 kúgildi með Garðshorni, Hólastólsjörð, DI XV, 459.

2.8.1672 lofar Gísli Þorláksson Hólabiskup sr. Böðvari Gíslasyni byggingarráðum yfir stólsins jörðu Garðshorni, þá hún verður að lögum aus með venjulegum skilmálum - Prestastefnudómar og Bréfabók Gísla Þorlákssonar, 326. 17.7.1676 hefur Gísli Þorláksson gefið sr. Jóni Gunnlaugssyni byggingarráð yfir stólsins koti Garðshorni, landskuld 1 hdr, kúgildi 4 með skilmálum - Prestastefnudómar og bréfabók Gísla Þorlákssonar, 481.

Tvö Garðshorn í hreppnum. Ekki ljóst hvaða túnakort á við hvorn bæ.

1712: “Enginu spillir bæjarlækurinn sumstaðar með grjóts og sands áburði, þar með er það mjög votsókt, so að heyskapurinn verður þar fyrir stundum svipull, líka jetur vatnið allvíða úr rótina. Úthagarnir eru nokkurneginn sæmilega grösugir, en mjög litlir um sig.” JÁM X, 165.

1990: Gömlu heimatúnin eru ræktuð á grýttu mólendi, en síðan hafa mýrarnar neðan bæjarins verið ræktaðar til túns og meirihluti túnanna í Garðshorni framræst mýrlendi.


## EY-265:013 tóft stekkur

A 529125 N 575337

Tóft er um 730 m ASA við bæ 001 og 700 m NNA við vörðu 014. Tóftin er um 120 m vestan við miðlínu úttekarsvæðis Blöndulínu 2022. Tóftin er rétt utan við úttekarsvæðið en helgunarsvæði hennar (15 m) nær innan þess og því var hún tekin með í þessa fornleifaskrá.

Tóftin er rétt sunnan við lækjargil og austan hennar er vírgirðing. Svæðið er mjög gróið og smápýft.

Tóftin er 13 x 7 m að stærð og snýr NNA-SSV. Hún er hlaðin úr torfi og grjóti og sjást allt að 3 umför af stæðilegu grjóti í hleðslum sem eru 0,6 m á hæð, hæstar til norðurs og austurs en veggir eru nokkru lægri til suðurs, 0,3 m háir. Hólf A er NNA í tóftinni. Það er 3,5 x 3 m að innanmáli, snýr eins og tóftin og er með op í suðvesturhorni. Hólf B er SSV. Það er 2 x 1,5 m að innanmáli, snýr eins og tóftin og ekki er hlaðinn veggur á vesturhlíð hólfins. Þetta er líklega stekkur miðað við lögun og fjarlægð frá bæ 001.



Uppmæling af tóft EY-265:013.



Stekkur EY-265:013, horft til vesturs.

**Hættumat:** hætta, vegna framkvæmda

**EY-265:014** varða landamerki

A 528586 N 574866

Varða er nokkru norðvestan við Stórastein, um 760 m SSA við bæ 001 og 275 m SSV við rétt 012. Varðan er á merkjum jarðanna Garðshorns og Ytri-Bægisáar (EY-264) og er því líklega gömul landamerkjavarða. Varðan er um 20 m sunnan við miðlínu úttekarsvæðis Blöndulínu 2022. Varðan er á hálfgróinni klöpp, rétt norðan við vírgirðingu. Varðan er 0,5 x 0,5 m að stærð og er hlaðin úr 6-7 flötum grágrýtissteinum. Hún er 0,4 m á hæð og hallar smávægilega til austurs. Nokkuð grjót er umhverfis vörðuna sem án efa hefur hrunið úr henni.

**Hættumat:** stórhætta, vegna framkvæmda



Varða EY-265:014, horft til suðurs.

EY-277 Syðri-Brennuhóll

20 hdr. 1712, 1802 (öll jörðin). Skipt í Ytri- og Syðri – Brennihóll, 10 hdr. hvor, 1847. Bændaeign. Sjá Ytri-Brennihól.

1712: Túnið er fordjarfað af lángrandi órækt. Úthagarnir eru nægir.” JÁM X, 188.

1917: 1,8 teigar. 1/2 slétt. Garður 225 ferstikur. 1990: Tún neðan bæjarins eru framræst mýrlendi.


**EY-277:013** tóft óþekkt

A 535667 N 579841

Einföld tóft er á efsta hjalla fast austur undir Rauðufögum í Moldhaugahálsi um 1,7 km VSV og ofan við Syðri-Brennihól 001.



Tóft EY-277:013, horft til VSV.



Uppmæling af tóft EY-277:013.

Tóftin er á 50 m breiðum grasigrónum bala um 40 m ofan og vestan við raflínu.

Tóftin er um 13x11 m að stærð og snýr norður-suður. Innanmál hennar er um 3,5x3,5 m og op í norðausturenda. Veggir eru útlattir og vel grasigrónir, 0,2-0,5 m á hæð og 3,5-4 m á breidd. Þeir eru líklega úr torfi og grjóti þó lítið sjáist til grjóts. Hlutverk er óþekkt en hugsanlega gæti verið um heystæði eða rétt að ræða.

**Hættumat:** stórhætta, vegna framkvæmda

## EY-279 Steinkot

Hjáleiga frá Samtúni. Skv. Johnsen voru jarðir 278-282 í einu lagi 1760 og undir einu nafni, Samtýni taldar 40 hdr, og er Steinkot metið 5 hdr. af því 1847. Hét Ysta-Samtún fyrst eftir að jörðinni var skipt BE 1990, 606.

1917: 1,6 teigar. 3/4 slétt. Garður 182 ferstíkur.

1990: Túnin eru að mestu framræst mýrlendi.

### EY-279:004 tóft stekkur

A 535951 N 579444


Tvískiptur stekkur er um 1,7 km VSV við bæ 001, um 420 m norðaustan undir Sjónarhóli og 25 m ofan og vestan við raflínu. Tóftin er um 40 m austan við miðlínu Blöndulínu 3.

Tóftin stendur fast austan undir 2-3 m háu, grasigrónu og þýfðu holti um 150 m neðan og austan við efsta hjalla í fjallshíðinni.

Tóftin er vel greinileg, um 8,5 m á lengd, 5,5 m á breidd og liggur NA-SV. Tóftin er hlaðin úr torfi og grjóti og eru veggir hennar 0,5-1 m á hæð og 1,5-2 m á breidd.



Tóft EY-279:004, horft til suðvesturs.



Uppmæling af stekk EY-279:004.

Veggirnir eru vel grasigrónir og því sést lítið í hleðslur. Réttin er neðar og norðar, um 3,5x2,5 m að innanmáli og liggur NA-SV. Króin er í suðurenda, 3x1 m að innanmáli og liggur NV-SA. Hún er opin til suðausturs en óljóst er hvar gengið hefur verið inn í tóftina. Líklega hefur það verið í norðurenda eða norðausturhorni hennar.

**Hættumat:** stórhætta, vegna framkvæmda

## EY-282 Syðsta-Samtún

Hluti af Samtúni. Skv. Johnsen voru jarðir 278-282 í einu lagi 1760 og undir einu nafni, Samtúni taldar 40 hdr, og er Syðsta-Samtún metið 5 hdr. af því 1847.

21.3.1785 kaupir Dómhildur Eiríksdóttir Syðsta-Samtún 10 hdr, af Símon Bech fyrir Kristnes í Eyjafirði - AÍ XVI, 256. 11.1.1797 afsalar Dómhildur Eiríksdóttir Syðsta Samtúni til ekkjunnar Guðrúnar Gísladóttur fyrir 66 rd. cour. AÍ XVII, 464. Land sem áður tilheyrði Syðsta-Samtúni austan Norðurlandsvegar er nú eign Glæsibæjarhrepps.

1917: 2,6 teigar. 1/2 slétt. Garður 145 ferstíkur. 1990: Túnin að mestu á framræstu mýrlendi.

### EY-282:006 Félagshóll heimild um smalakofa

A 536085 N 578955

“Ofan við Klapparhall er mýrarfláki, nafnlaus, en því næst Samtúnshólar, í daglegu tali aðeins Hólarnir. Ná þeir allt til fjallsbrúnar. Yzti og neðsti hólinn heitir Félagshóll. Þar söfnuðust saman smalar frá mörgum bæjum og höfðu í félagi smalabyrgi, því þaðan sást vel yfir stórt svæði.” Hólarnir upp af Samtúnum eru mjög greinilegir og á nyrsta og neðsta hólum eru ógreinilegar þústir. Hóllinn er um 1 km vestur af bæ 001. Engar fornleifar fundust

á svæðinu við skráningu Blöndulínu 3 árið 2022.  
Gróinn hóll, nokkuð grjót uppi á honum miðjum.  
**Hættumat:** engin hætta  
**Heimildir:** Ö-Samtún, 170

## EY-287 Ásláksstaðir

30 hdr 1712. Hólastólsjörð.

24.5.1486 er dæmt að Eiríkur Loftsson hafi átt Á. og að Sveinn Sumarliðason sé réttur erfingi hans. - DI VI, 569-72. 1520 eru Ásláksstaðir taldir meðal þeirra jarða sem Gottskálk bp hafði komið undir Hólastól: 'Aslacksstader .xlc. vj kugilldi. Landskyllid. c. þa wti eru iij ár.' DI VIII, 728.

1525 eru Ásláksstaðir meðal Hólastólsjarða – DI IX, 301.

1569: 'Med Aslakstodum landsk .c. oc .xl. alner med tiundum kug. .v.' Reikningur Hólastaðar, DI XV, 227.

1570: 'Med Aslakstodum .v. kug.' Kúgildi Hólastóls, DI XV, 458.

Munnmæli 1712 að jörðin hafi átt skipastöðu í landi Syðra-Krossaness á móti afgirtum engjaparti í eigin landi. JÁM X, 192. "Landið nær frá fjallshlíðinni niður að Lóninu og liggur Bitrugerði norðan að því en land eyðibýlsins Hrappsstaða að sunnan. Þarna eru hreppamörkin milli Glæsibæjarhrepps og Akureyrarbæjar." BE 1990 II, 622.

1712: Túninu spillir nokkuð í einum stað bæjarlækurinn með leirs og sands áburði. úthagarnir eru mjög litlir en þó grösugir. Hætt er kvikfje fyrir fornum torfgörðum og holugryfjulækjum." JÁM X, 192. 1917: 7,6 teigar. 3/4 slétt.

### EY-287:009 tóft beitarhús


A 536994 N 577028

Stór tóft er sunnan Bæjarlækjargils um 720 m VSV og ofan við Ásláksstaði 001. Tóftin er innan skógræktarsvæðis og óljós af þeim sökum. Tóftin er 30 m suðvestan við miðlínuna áhrifasvæðis Blöndulínu 3. Tóftin er í stórum lundi barrtrjáa og hafa tré verið gróðursett á mörgum stöðum beint ofan í hana og bjagað lögun hennar.

Tóftin er um 15 m á lengd, um 13 m á breidd og liggur NNV-SSA. Tóftin er um 1-1,5 m á hæð, vel grasigróin og þýfð. Hún gæti hafa verið þrí- til fjórskipt en aðeins er hægt að greina tvö hugsanleg hól nú. Annað þeirra er í norðvesturhorni og hitt í suðausturhorni. Hólfid til norðvesturs er opið til norðurs, er um 4x2 m að innanmáli og liggur N-S. Hugsanlega hefur verið timburpil sem lokaði hólfinu. Innanmál hólfsins til suðausturs er um 2x1,5 m og er það opið í suðausturhorni til austurs. Gengið hefur verið inn um 0,5 m breiðan inngang sem er fallinn saman. Þar sem veggir eru greinanlegir eru þeir 1,5-2 m á breidd. Útlínur eru annars óljósar og engar grjóthleðslur eru greinanlegar. Sé horft til lögunar og staðsetningar eru þetta beitarhús.



EY-287:009, horft til suðausturs.



Uppmæling af tóft EY-287:009.

**Hættumat:** stórhætta, vegna framkvæmda

### EY-287:010 tóft óþekkt

A 536470 N 577262


Aflöng, óljós tót er í landi Ásláksstaða, um 1200 m vestan við bæ og um 250 m norðan við bæjarlækinn. Tóftin er á lágu hól rúmum 20 m vestan við áætlaða legu miðlínuna Blöndulínu sem tekin var út í október 2022.

Tóftin er á lágrí hæð með lágbörðum klettum allra nyrst. Umhverfis er gróðurhulan fremur þunn en þó vex víða svolítið lyng og mosi.

Tóftin er 10, 5 x 5,7 m að stærð og virðist hafa verið einföld. Hún snýr austur-vestur og er austurhluti hennar nær alveg óskýr og má í raun segja að hún fjari út til austurs. Innri brún veggja er skýrust, sérstaklega vestast.



Tóft EY-287:010, horft til austurs.



Uppmæling af tóft EY-287:010.

Innanmál tóftar er mest um 2 m á breidd en 7 m á lengd og hugsanlegt er að tóftin hafi í raun ekki verið lengri en það. Mögulegt er að op hafi verið allra vestast á norðurlangvegg en það er þá of óskýrt til að um það sé hægt að fullyrða. Veggir eru um 1 m á breidd en 0,3 m á hæð, algrónir. Ekki er augljóst hvaða hlutverki tóftin hefur gegnt, hugsanlegt að hún hafi verið heystæði en það er þá í stærra lagi.

**Hættumat:** stórhætta, vegna framkvæmda

## EY-288 Hrappsstaðir

20 hdr. 1712. Bændaeign. Einnig Rafnsstaðir og Hrafnstaðir.

1.7.1538 selur Þorsteinn Torfason Ara Jónssyni lögmanni Rafnsstaði fyrir 30 hdr - DI X, 367.

230.4.1549 selur Ari Jónsson Teiti Magnússyni Rafnsstaði - DI XI, 704.

7.5.1622 selur Guðrún Skúladóttir Þorláki bpi bróður sínum hálfa Hrafnstaði fyrir 10 hdr. - Jarðabréf, 221.

24.5.1633 greiðir Þorlákur Skúlason bp Guðrúnu systur sinni m.a. hálfa Hrafnstaði, 10 hdr, vegna skuldar, með samþykki konu sinnar Kristínar Gísladóttur - Jarðabréf, 221.

Búskap lauk 1955. Getið 1417 en þá afhenti Ingibjörg Loptsdóttir Ingunni Árnadóttur erfingja sínum H. ásamt mörgum öðrum jörðum. "Hrappsstaðaá deilir löndum að sunnan milli jarða niður að brekkurótum, en þar sveigir áin til norðurs. Eftir það eru landamerki Hrappsstaða í stefnu til austus frá gilskjaft að Lóninu. Sunnan við ána nefnist Hrappsstaðagrund og Hrappsstaðanes neðar og endar það í mjóum tanga þar sem árin sameinast Lóninu rétt norðan við þar sem áður stóð bærinn Mýrarlón." BE

1917: 4.4 teigar. 1/3 slétt. Garðar 207 ferstiklur. 1712: "Enginu hefur að fornu spilt jarðfallsskriða úr fjallinu, sem nú er mikinn part grasi vaxinn til hagbeitar. Úthagarnir eru grösugir og litlir ut supra. Hætt er kvikfé fyrir holugryfulækjum og afætudýjum." JÁM X, 193.


**EY-288:011** tóft óþekkt

A 537510 N 576837

Óljós tóft er um 470 m suðvestan við Hrappsstaði 001, í norðurhlíð Kífsárgils í um 2-3 m hæð ofan lækjarins/gilbotnsins. Tóftin er í litlum hvammi við ána. Tóftin er 30 m sunnan við miðlínu áhrifasvæðis Blöndulínu 3.



Tóft EY-288:011, horft til norðausturs.



Uppmæling af tóft EY-288:011.

Tóftin sést er á sléttum, grasi og lyngigrónum palli sem er um 7,5 m breiður og liggur um 20 m NA-SV meðfram bröttum bakkanum.

Tóftin er um 8 m x 6 m á stærð og snýr NA-SV. Innanmálið er um 3.5x2,5 m og 0,2-0,4 m djúpt en ekki er hægt að greina eiginlegan inngang. Hugsanlegt er að hér hafi verið aðhald, t.d. til að bæla fê yfir nótt.

**Hættumat:** stórhætta, vegna framkvæmda

**EY-288:012** tóft beitarhús

A 537425 N 576874


Tvískipt tóft er um 90 m VNV við þúst 011 og um 470 m suðvestan við Hrappstaði 001. Þetta eru líklega beitarhús, vestan við Kífsá. Miðlína fyrirhugaðrar Blöndulínu 3 liggur þvert yfir nyrsta enda beitarhúsanna.

Tóftin stendur í grófu grasi- og lyngigrónu þýfi fast undir lítt grónum 3 m háum melhól. Varða 013 er á toppi hólins.

Tóftin er um 18x15 m að stærð og snýr VSV-ANA. Vestara hólfið er um 8.5x6 m að innanmáli og gengið var inn að norðan. Hólfið er um 0,5-2 m djúpt og er það dýpst í suðvesturhorni, undir hólnum. Útlínur veggja eru óljósar vegna þúfna og engar grjóthleðslur eru greinanlegar. Austar er hugsanlega annað hól sem liggur NNA-SSV. Það er um 7x2,5 m að innanmáli, <0,5 m djúpt og gengið inn að NNA. Líklega var þetta einhverskonar aðhald.



Tóft EY-288:012, horft til NNA.



Uppmæling af tóft EY-288:012.

**Hættumat:** stórhætta, vegna framkvæmda

**EY-288:013** varða óþekkt

A 537421 N 576857

Lítil grjóthlaðin varða er efst á ávölum, lítt grónum malarhól um 15 m SSV við tóft 012 og um 490 m suðvestan við Hrappstaði 001. Sé horft til ástands vörðunnar er hún líklega ekki forn en nýtur vafans og talin til fornleifa. Varðan er 30 m sunnan við miðlínu áhrifasvæðis Blöndulínu 3. Varðan er lítið annað en grjóthrúga, um 1x1 m að grunnflatarmáli og um 0,5 m há. Tilgangur er óljós og ekki um vandaða hleðslu að ræða.

**Hættumat:** stórhætta, vegna framkvæmda



Varða EY-288:013, horft til suðurs.

**EY-288:014** garðlag óþekkt

A 537150 N 576920

Óljós hryggur sem gæti verið gamalt garðlag er í landi Hrappsstaða um 730 m vestan við Lögmanshlíðarveg. Garðurinn snýr norðaustur-suðvestur. Hann var aðeins rakinn á því svæði sem tekið var út vegna Blöndulínu en mögulegt er að framhald hans sé að finna sunnar í landi Hrappsstaða en þá með stefnuna norður-suður.

Garðurinn liggur í deiglendi sem hallar til austurs. Talsvert kjarrlent er á köflum.

Hryggurinn er óljós og á köflum virðist óvíst hvort hann sé manngerður eða framsig í brekkunni. Þó virðist hann og beinn og reglulegur til að um sannfærandi náttúrusmíði sé að ræða og því var hann tekinn á fornleifaskrá þar sem líklegast þótti að um gamlan og að hluta úr sér gengin torfgarð væri að ræða. Suðurhluti þess garðlag sem



*Garðlag EY-288:014, horft til SSV.*

skoðað var á vettvang er með nokkuð skýra austurbrún sem skagar út úr brekkunni (allt að 0,7 m há). Á þessum kafla er garðlagið allt að 2 m á breidd og ágætlega greinilegt en vesturbrúnn fellur saman við brekkuna að ofar, Norðar liggur garðurinn aðeins frá brekkubrúnni og þar má greina hann sem 1.3 m breiðan og 0,4 m háan torfgarð sem er þó svo kræklóttur að erfitt er að fylgja honum og hann verður fljótlega alveg óskýr. Garðurinn er algróinn. Hann var rakinn á um 100 m löngum kafla áður en hann varð óljós í báðar áttir en af því voru um 70 m innan áhrifasvæði Blöndulínu. Á um 16 m löngum og 6 m breiðum kafla mætti af loftmynd ætla að gerði kynni að hafa verið byggt við garðlagið að austanverðu en ekki eru skýr ummerki um það á yfirborði.

**Hættumat:** stórhætta, vegna framkvæmda

## EY-289 Kífsá

10 hdr. 1712. Hrafnagilskirkjuförð en komst undir Lögmanshlíðarkirkju á 17. öld.

Fyrst getið 1318 og þá orðin Hrafnagilskirkjueign, og var leiga þá 1 hdr. - DI II, 453 sbr. 1394 - DI III, 560.

1429 - DI IV, 378;

22.6.1508, leiga 1 hdr - DI VIII, 215,

1525 - DI IX, 332.

26.8.1630 fellur dómur um Keppsá sem bóndinn Jón Sigurðsson í Lögmanshlíð hélt vera kirkjunnar eign þar, en Bjarni bóndi Sigurðsson hafði keypt. Jón er dæmt að halda Keppsá undir Hlíðarkirkju - Jarðabréf, 221.

26.9.1660 er Keppsá, 10 hdr, talin kirkjuförð Lögmanshlíðarkirkju - Jarðabréf, 222-223.

1703: Keppsá, Lögmanshlíðarkirkjuförð, 12 hundruðum að dýrleika. Landskuld 4ur ærgildi. Þar upp í gelst tveggja daga sláttur, 20 álna fóður, hitt í ullarvöru. Kúgildi 3 og tvær ær betur. Eiga eftir þaug að gjaldast leigur í smjöri. » JÁM XIII, 374-75. Einnig Keppsá. Enginn búskapur eftir 1961.

1917: 2.3 teigar. 1/3 slétt. Engir garðar.

1712: "Enginu spillir nokkur Merkislækur með grjóts og sands áburtði. Úthagarnir eru bjarglega víðlendir og grösugir með Keppsártúngu, sem liggur fyrir vestan ána. Hætt er kvikfje fyrir holgryfulækjum, sem oft verður mein að." JÁM X, 196.

## EY-289:011 hleðsla óþekkt



*Hleðsla EY-289:011, horft til suðurs.*

A 536470 N 57726

Grjóthlaðið mannvirki, mögulega varða, er um 200 m norðan við gamla steinsteypa íbúðarhúsið á Klífsá. Hleðslan er 325 m vestan við Lögmanshlíðarveg en 37 m sunnan við miðlínu þess úttektafbeltis sem tekið var út í október 2022. Hleðslan er á eins konar tungu sem myndast milli tveggja lækja sem renna niður hlíðina á þessum slóðum.


Svæðinu hallar til austurs en hleðslan er á lágum hól. Allt í kring er ung skógrækt.

Hóllinn er lágur og lítið áberandi. Efst á honum eru leifar grjóthleðnu mannvirki. Grjóthleðslan er nú alveg hrunin en er á svæði sem er um 2,6 x 1,3 m stórt og snýr norður-suður. Það virðist helst til of stórt til að hægt sé að segja að þar hafi greinilega verið varða en það er þó vel hugsanlegt og kannski líklegast að svo hafi verið. Að öðrum kosti kynni að hafa staðið lítill kofi á þessum stað (byrgi/smálakofi) eða ummerkin eru leifar um dys. Inn á milli steina í hleðslunni má sjá glitta í glerflösku á einum stað.

**Hættumat:** hætta, vegna framkvæmda

## Niðurstöður

Breytingartillaga á línukosti C2 felur í sér að línan færist ofar í hlíðina frá Akureyri, að mynni Öxnadals og norður yfir Moldhaugnaháls, á alls 14 km löngu svæði. Mest nemur færslan um 1 km. Fornleifaskráningin var unnin í tengslum við tilfærsluna og fór fram um miðjan ágúst að mestu. Eftir að skráningunni lauk urðu aftur breytingar á tæplega 2 km löngum kafla og var hann tekin út með tilliti til fornleifa í októberbyrjun. Að þessu sinni var úttektarsvæðið annars vegar um 800 m langt belti þar sem áhrifasvæði nýrrar línu náði suðurfyrir áður skráð svæði og hins vegar 2 km langur kafla þar sem tekið var út 150 m breitt belti (nokkru ofar í hlíðinni en fyrri úttektir). Sem fyrr var tekið út 50 m breitt svæði fyrir ofan miðlínu og 100 m breitt svæði fyrir neðan hana. Samtals voru skráðar 15 fornleifar innan úttektarsvæða 2022 og miðast umfjöllunin hér neðar við umrædd svæði. Alls eru 18 fornleifar innan línukostsins, þrjár þeirra voru þekktar úr eldri skráningu. Að auki var gengið um áætlaða línulögn í landi Hóla. Síðsumars 2022 var farið aftur á jörðina og þekktar minjar innan línukostarins mældar upp og skráningin endurskoðuð. Alls voru fjórar fornleifar þekktar þar fyrir og engar nýjar minjar fundust við skráninguna.




Nýr línukostur greinist frá því svæði sem áður hafði verið tekið út við veginn um Lögmannshlíð í landi Klifsár. Þaðan liggur úttektarsvæðið upp hlíðina til VNV. Á þessum kafla er hinn nýji valkostur að mestu innan áður úttektins svæðis. Svæðið liggur síðan þvert á hlíðina, nokkuð ofan við eldri svæði við Moldhaugnaháls og sameinast þeim aftur við Bægisá.

Færri fornleifar eru innan úttektarsvæðis eftir breytingar, þeim fækkar um alls 32. Innan þess úttektarsvæðis sem var tekið út árið 2020 voru 50 fornleifar á 32 minjastöðum. Innan þess úttektarsvæðis sem var tekið út árið 2022 eru fornleifarnar 18 talsins á jafn mörgum minjastöðum. Ljóst er að áhrif framkvæmdanna á menningarminjar og landslag eru því minni eftir tilfærslu. Það helgast ekki síst af því að línukosturinn var færður ofar í hlíðina, fjær heimatúnun þeirra jarða sem þar eru í byggð. Þéttni fornleifa er mest í og við heimatún og því fækkaði fornleifum á áhrifasvæði þegar það var fært fjær heimatúnun. Árið 2020 voru fjórar fornleifar taldar í stórhættu vegna framkvæmdanna en alls 46 voru í hættu. Eftir tilfærslu eru aðeins fimm fornleifar í stórhættu, 11 í hættu en tvær teljast ekki í neinni hættu vegna framkvæmdanna.

Árið 2020 voru skráðar fimm fornleifar með *mjög mikið minjagildi* sem allar voru í hættu. Þar sem fjarlægð þessara minja frá miðlínu framkvæmda er meiri en 50 m má ætla að í flestum tilfellum sé hægt að forða þeim frá raski með því að girða staðina af og merkja þá (sem mótvægisáðgerð). Eftir tilfærslu er engin fornleif innan úttektarsvæðis með mjög mikið minjagildi.

Árið 2020 voru 14 fornleifar með *mikið minjagildi*, en í flestum tilvikum var um beitarhús og stekki að ræða. Allir staðirnir eru í hættu og ætla má að hægt sé að forða þeim öllum frá raski t.d. með merkingu. Eftir tilfærslu voru fimm fornleifar með mikið minjagildi innan úttektarsvæðis, af þeim er ein í stórhættu og líklegt að einhverra mótvægisáðferða verði krafist innan úttektarsvæðis.



Á stöplaritinu kemur skýrt fram að áhrif framkvæmdanna á fornleifar og menningarlandslag eftir breytingar eru mun minni en áður.

Töluverður fjöldi fornleifa með *nokkurt minjagildi* var skráður innan áhrifasvæðisins fyrir breytingar, eða samtals 29. Í flestum tilvikum láta fornleifarnar lítið yfir sér á þessum stöðum og sjaldnast voru merki um uppsöfnun mannvistarlaga

undir sverði. Af þessum minjum eru þrjár í stórhættu en ólíklegt að mikilla mótvægisáðgerða verði krafist. Eftir tilfærslu eru 11 fornleifar með nokkurt minjagildi innan úttektarsvæðis, af þeim eru fjórar í stórhættu. Bæði árin voru tvær fornleifar skráðar með *lítið minjagildi*. Önnur þeirra sem er nú innan svæðis er horfin en ólíklegt að mótvægisáðgerða verði krafist í þessum tilvikum.

Fyrirséð er að bein áhrif framkvæmdanna á fornleifar með *mjög mikið minjagildi* á því svæði sem hér er til umfjöllunar eru enginn. Slíkar fornleifar eru ekki innan úttektarsvæðisins. Einungis fimm fornleifar með *mjög mikið minjagildi* eru í hættu og líklega hægt að forða raski á þeim öllum. Helsti munurinn á mati á áhrifum framkvæmda á menningarminjar eftir breytingar felst í því, að að heilt á litið, að mun færri minjar eru innan áhrifasvæðis. Eins liggur línan fjær þeim hluta jarða þar sem flestar menningarminjar er að finna.

Minjastofnun Íslands mun úrskurða um hvort minjar megji víkja í framkvæmdum og sömuleiðis um til hvaða mótvægisáðgerða þurfi að grípa í þeim tilvikum þar sem ljóst þykir að fornminjar verði skemmdar/eyðilagðar í fyrirhuguðum framkvæmdum. Um margar fornleifanna gildir að líklega sé hægt að komast hjá raski á þeim með því að merkja þær vel á framkvæmdartíma.


Fornleifar innan úttektarsvæðis eftir breytingar árið 2022.

| Samtala    | Sérheiti   | Tegund    | Hlutverk   | Ástand                  | Hættumat    | Minjagildi | Fríðhelgi | Líklegar kröfur um mótvægisáðgerðir | Skýring                                    |
|------------|------------|-----------|------------|-------------------------|-------------|------------|-----------|-------------------------------------|--------------------------------------------|
| EY-257:016 |            | tóft      | smalakofi  | hleðslur standa         | engin hætta | Mikið      | 15m       | Merking                             | Til að koma í veg fyrir skemmdir           |
| EY-257:019 |            | tóft      | heystæði   | hleðslur signar         | stórhetta   | Nokkurt    | 15m       | Könnunarskurður                     | Til að ákvarða aldur, eðli og umfang minja |
| EY-264:017 |            | varða     | óþekkt     | sést til                | hætta       | Nokkurt    | 15m       | Merking                             | Til að koma í veg fyrir skemmdir           |
| EY-264:018 |            | tóft      | óþekkt     | hleðslur signar         | hætta       | Nokkurt    | 15m       | Könnunarskurður                     | Til að ákvarða aldur, eðli og umfang minja |
| EY-264:019 |            | mannvirki | óþekkt     | sést til                | hætta       | Nokkurt    | 15m       | Merking                             | Til að koma í veg fyrir skemmdir           |
| EY-264:022 |            | tóft      | heystæði   | hleðslur signar         | hætta       | Nokkurt    | 15m       | Merking                             | Til að koma í veg fyrir skemmdir           |
| EY-265:013 |            | tóft      | stekkur    | hleðslur signar         | engin hætta | Mikið      | 15m       | Merking                             | Til að koma í veg fyrir skemmdir           |
| EY-265:014 |            | varða     | landamerki | hleðslur signar         | stórhetta   | Nokkurt    | 15m       | Merking                             | Til að koma í veg fyrir skemmdir           |
| EY-277:013 |            | tóft      | óþekkt     | hleðslur útflattar      | hætta       | Nokkurt    | 15m       | Merking                             | Til að koma í veg fyrir skemmdir           |
| EY-279:004 |            | tóft      | stekkur    | hleðslur standa grónar  | hætta       | Mikið      | 15m       | Merking                             | Til að koma í veg fyrir skemmdir           |
| EY-282:006 | Félagshóll | heimild   | smalaskáli | ekki sést til fornleifa | hætta       | Lítið      | 15m       | Engar                               | Skráning fullnægjandi mótvægisáðgerð       |
| EY-287:009 |            | tóft      | beitarhús  | hleðslur standa grónar  | hætta       | Mikið      | 15m       | Merking                             | Til að koma í veg fyrir skemmdir           |
| EY-287:010 |            | tóft      | óþekkt     | hleðslur singar         | stórhetta   | Nokkurt    | 15m       | Merking                             | Til að koma í veg fyrir skemmdir           |
| EY-288:011 |            | púst      | óþekkt     | hleðslur útflattar      | hætta       | Nokkurt    | 15m       | Merking                             | Til að koma í veg fyrir skemmdir           |
| EY-288:012 |            | tóft      | beitarhús  | hleðslur signar         | stórhetta   | Mikið      | 15m       | Könnunarskurður                     | Til að ákvarða aldur, eðli og umfang minja |
| EY-288:013 |            | varða     | óþekkt     | hleðslur signar         | hætta       | Nokkurt    | 15m       | Merking                             | Til að koma í veg fyrir skemmdir           |
| EY-288:014 |            | garðlag   | óþekkt     | sést til                | stórhetta   | Nokkurt    | 15m       | Merking                             | Til að koma í veg fyrir skemmdir           |
| EY-289:011 |            | hleðsla   | óþekkt     | sést til                | hætta       | Lítið      | 15m       | Merking                             | Til að koma í veg fyrir skemmdir           |

Fornleifar innan úttektarsvæðis (2020) fyrir breytingar.

| Samtala     | Sérheiti                      | Tegund    | Hlutverk      | Ástand                   | Hættumat  | Minjagildi | Friðhelgi | Líklegar kröfur um mótvægisáðgerðir | Skýring                                                                                               |
|-------------|-------------------------------|-----------|---------------|--------------------------|-----------|------------|-----------|-------------------------------------|-------------------------------------------------------------------------------------------------------|
| EY-265:006  |                               | hleðsla   | heimarafveita | hleðslur standa grónar   | hætta     | Lítið      | 15m       | Engar                               | Skráning fullnægjandi mótvægisáðgerð                                                                  |
| EY-288:0061 |                               | mannvirki | herminjar     | ekki sést til fornleifar | stórhætta | Lítið      | 15m       | Engar                               | Skráning fullnægjandi mótvægisáðgerð                                                                  |
| EY-257:0101 | Krossa-<br>staðabeitarhús     | tóft      | beitarhús     | hleðslur standa grónar   | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-257:0102 |                               | tóft      | beitarhús     | hleðslur signar          | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-261:0031 | Vindheima-<br>stökkur         | tóft      | stökkur       | hleðslur signar          | hætta     | Mikið      | 15m       | Engar                               | Utan áhrifasvæðis                                                                                     |
| EY-261:0032 |                               | tóft      | beitarhús     | hleðslur signar          | hætta     | Mikið      | 15m       | Engar                               | Utan áhrifasvæðis                                                                                     |
| EY-261:0033 |                               | tóft      | óþekkt        | hleðslur signar          | hætta     | Mikið      | 15m       | Engar                               | Utan áhrifasvæðis                                                                                     |
| EY-261:0034 |                               | tóft      | stökkur       | hleðslur signar          | hætta     | Mikið      | 15m       | Engar                               | Utan áhrifasvæðis                                                                                     |
| EY-261:0035 |                               | tóft      | rétt          | hleðslur signar          | hætta     | Mikið      | 15m       | Engar                               | Utan áhrifasvæðis                                                                                     |
| EY-261:008  |                               | tóft      | stökkur       | hleðslur signar          | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-262:0082 |                               | tóft      | stökkur       | hleðslur signar          | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-265:007  |                               | tóft      | rétt          | hleðslur standa          | hætta     | Mikið      | 15m       | Könnunarskurður                     | Til að ákvarða aldur, eðli og umfang minja                                                            |
| EY-269:0161 | Gamlístekkur                  | tóft      | stökkur       | hleðslur signar          | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-269:0162 |                               | tóft      | beitarhús     | hleðslur signar          | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-277:005  | Hólsstekkur                   | tóft      | stökkur       | hleðslur signar          | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-287:008  |                               | hleðsla   | rétt          | hleðslur signar          | hætta     | Mikið      | 15m       | Merking                             | Til að koma í veg fyrir skemmdir                                                                      |
| EY-258:0071 | Steðjasel                     | tóftir    | sel           | hleðslur signar          | hætta     | Mjög mikið | 15m       | Merking                             | Til að koma í veg fyrir skemmdir                                                                      |
| EY-262:0081 |                               | tóft      | sel           | hleðslur signar          | hætta     | Mjög mikið | 15m       | Merking                             | Innan túns, líklegt að fleiri minjar leynist undir sverði. Til að ákvarða aldur, eðli og umfang minja |
| EY-270:006  | Skút[n]asel/<br>Beitarhúshóll | tóft      | sel           | hleðslur signar          | hætta     | Mjög mikið | 15m       | Merking                             | Til að koma í veg fyrir skemmdir                                                                      |
| EY-284:011  |                               | tóft      | sel           | hleðslur standa grónar   | hætta     | Mjög mikið | 15m       | Merking                             | Til að koma í veg fyrir skemmdir                                                                      |
| EY-288:001  | Rafnstaðir                    | bæjarhóll | bústaður      | sést til                 | hætta     | Mjög mikið | 15m       | Merking                             | Innan heimatúns og fleiri minja að vænta. Til að ákvarða aldur, eðli og umfang minja                  |
| Ey-254:014  | Bræðravarða                   | varða     | landamerki    | hleðslur signar          | hætta     | Nokkurt    | 15m       | Merking                             | Til að koma í veg fyrir skemmdir                                                                      |

|             |  |           |            |                         |           |         |     |                 |                                            |
|-------------|--|-----------|------------|-------------------------|-----------|---------|-----|-----------------|--------------------------------------------|
| EY-254:019  |  | gata      | leið       | sést til                | hætta     | Nokkurt | 15m | Engar           | Skráning fullnægjandi mótvægisáðgerð       |
| EY-254:0201 |  | varða     | óþekkt     | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-254:0202 |  | varða     | óþekkt     | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-257:0103 |  | þúst      | heystæði   | sést til                | hætta     | Nokkurt | 15m | Merking         | Til að koma í veg fyrir skemmdir           |
| EY-257:0151 |  | varða     | landamerki | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-257:0152 |  | varða     | landamerki | hleðslur standa grónar  | hætta     | Nokkurt | 15m | Merking         | Til að koma í veg fyrir skemmdir           |
| EY-257:018  |  | varða     |            | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-258:0072 |  | þúst      | heystæði   | sést til                | hætta     | Nokkurt | 15m | Merking         | Til að koma í veg fyrir skemmdir           |
| EY-258:0073 |  | tóft      | kvíar      | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-262:009  |  | gata      | leið       | sést til                | hætta     | Nokkurt | 15m | Engar           | Skráning fullnægjandi mótvægisáðgerð       |
| EY-264:017  |  | varða     |            | sést til                | hætta     | Nokkurt | 15m | Merking         | Til að koma í veg fyrir skemmdir           |
| EY-264:018  |  | tóft      |            | hleðslur signar         | hætta     | Nokkurt | 15m | Könnunarskurður | Til að ákvarða aldur, eðli og umfang minja |
| EY-264:019  |  | mannvirki |            | sést til                | hætta     | Nokkurt | 15m | Merking         | Til að koma í veg fyrir skemmdir           |
| EY-264:021  |  | gryfja    |            |                         | hætta     | Nokkurt | 15m | Merking         | Til að koma í veg fyrir skemmdir           |
| EY-265:012  |  | tóft      | rétt       | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-268:011  |  | hleðsla   |            | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-269:0163 |  | tóft      | heystæði   | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-272:008  |  | varða     | landamerki | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-277:0101 |  | varða     | óþekkt     | hleðslur signar         | hætta     | Nokkurt | 15m | Merking         | Til að koma í veg fyrir skemmdir           |
| EY-277:0102 |  | hleðsla   |            | hleðslur út-flattar     | hætta     | Nokkurt | 15m | Merking         | Til að koma í veg fyrir skemmdir           |
| EY-277:011  |  | gata      | leið       | sést til                | hætta     | Nokkurt | 15m | Merking         | Til að koma í veg fyrir skemmdir           |
| EY-288:0062 |  | mannvirki |            | sést til                | hætta     | Nokkurt | 15m | Engar           | Skráning fullnægjandi mótvægisáðgerð       |
| EY-288:0065 |  | gryfja    |            | sést til                | hætta     | Nokkurt | 15m | Engar           | Skráning fullnægjandi mótvægisáðgerð       |
| EY-291:020  |  | heimild   | landamerki | ekki sést til fornleifa | hætta     | Nokkurt | 15m | Engar           | Skráning fullnægjandi mótvægisáðgerð       |
| EY-661:003  |  | gata      | leið       | sést til                | hætta     | Nokkurt | 15m | Engar           | Skráning fullnægjandi mótvægisáðgerð       |
| EY-270:027  |  | náma      | mógrafir   | sést til                | stórhætta | Nokkurt | 15m | Engar           | Skráning fullnægjandi mótvægisáðgerð       |
| EY-288:0063 |  | mannvirki |            | sést til                | stórhætta | Nokkurt | 15m | Engar           | Skráning fullnægjandi mótvægisáðgerð       |
| EY-288:0064 |  | mannvirki |            | sést til                | stórhætta | Nokkurt | 15m | Engar           | Skráning fullnægjandi mótvægisáðgerð       |



Yfirlit: Breytingar á línukosti C2  
2022

Skráðir minjastaðir

Úttektarsvæði 2022

Úttektarsvæði 2020


Úttektarsvæði 2008

Engin hætt

Hætt

Stórhætt

Lofmyndir ehf



Kort 1: Breytingar á línukosti C2  
2022.

Lofmyndir ehf






## Kort 2: Breytingar á línukosti C2 2022.

Loftmyndir ehf



|                     |                    |
|---------------------|--------------------|
| Skráðir minjastaðir | Úttektarsvæði 2022 |
| Engin hættu         | Úttektarsvæði 2020 |
| Hættu               | Úttektarsvæði 2008 |
| Stórhættu           |                    |



### Kort 3: Breytingar á línukosti C2 2022.

Löfmyndir ehf

Skráðir minjastaðir

Úttektarsvæði 2022

Engin hættu


Hættu

Stórhættu

Úttektarsvæði 2020

Úttektarsvæði 2008





Kort 4: Breytingar á línukosti C2  
2022.

Loftmyndir ehf

Skráðir minjastaðir

Úttektarsvæði 2022

Engin hætt

Hætt

Stórhætt

Úttektarsvæði 2020

Úttektarsvæði 2008